

শ্রী শ্রী ব্রজানন্দ  
ভজন-রত্নমালা

---

শ্রীমৎ গোবিন্দানন্দ  
বুড়াশিব, রমনা, ঢাকা ।

প্রকাশকঃ  
শ্রী শিব শঙ্কর চক্রবর্তী  
৭ মালাকার টোলা  
ঢাকা- ১

কার্তিক- ১৩৮৪ বাং

মুদ্রাকরঃ  
শ্রী প্রভাময় সরকার  
স্বাভী মুদ্রায়ণ  
৫৫ পাতলাখান লেন  
ঢাকা- ১  
মূল্য-প্রেম

जय ब्रजानन्द हरे ।

अर्घ्यम्

नित्यं पूर्णं परमात्मरूपम्  
निरञ्जनं तं देवादिदेवम् ।  
योगिजनवाङ्मतिं परमार्थप्रदम्  
भजामि ब्रजानन्द पदारविन्दम् ॥ १

लस्योदरं तं श्यामतनुधरम्  
जानुलम्बित वर्तुल युग्मकरम् ।  
दयानिधिं साधुजनैक गतिम्  
भजामि ब्रजानन्द पदारविन्दम् ॥ २

भवतीति हरणं भवरोग नाशनम्  
त्रिताप दहनं कलुष शोषणम् ।  
अतीष्ट दातारं शङ्कट व्रातारम्  
भजामि ब्रजानन्द पदारविन्दम् ॥ ३

चन्दन चञ्चित प्रशस्त भालम्  
बन्धु बिलम्बित कुसुम हारम् ।  
कटावास शोभितं सिद्धासनम्  
स्मरामि ब्रजानन्द पदारविन्दम् ॥ ४

वराभय करं प्रेमाक्षं नेत्रम्  
पतितोद्कारे भुशमाद्रिचितम्  
करुणावतारं शिशोरिव स्वभावम्  
स्मरामि ब्रजानन्द पदारविन्दम् ॥ ५

धर्मार्थ कामान् सदावितरणम्  
भक्तभक्तानां भवतीति हरम् ।  
शरणागतानां शरणं पुण्यम्  
स्मरामि ब्रजानन्द पदारविन्दम् ॥ ६

हरिकथा कीर्तने सुमधुर कण्ठम्  
हरिकथा श्रवणे पुलकितमङ्गम् ।  
हरिगुण मनने निश्चल देहम्

নমামি ব্রজানন্দ পদারবিন্দম্ ॥৭

শিবোহহং শিবোহহং চিরং কুজস্তম্  
মহতো মহীয়ান্ গতোহসি শিবত্বম্ ।  
প্রফুল্ল বদনং ব্রজরাজ তুল্যম্  
নমামি ব্রজানন্দ পদারবিন্দম্ ॥৮

নাহং জানে তব মহিমান্  
ক্ষমস্ব কৃপয়া মমাপরাধম্ ।  
নিত্যং ভজামি স্মরামি নিত্যম্  
নমামি ব্রজানন্দ পদারবিন্দম্ ॥৯

শ্রীশ্রীশিবচতুর্দশী,

শ্রীশ্রীচরণ কৃপাপ্রার্থী—

বুড়াশিবধাম, রমনা, ঢাকা ১৩৪৫- দীনাতিদীন, 'কুমার' বরিশাল ।

॥ লীলা পরিচয় ॥

(১)

(তুমি) পাপীর জন্য অবতীর্ণ

ধন্য ব্রজানন্দ আমার

এবার ধন্য অবতার ।

( ধন্য পাপী, ধন্য কলি, ধন্য ব্রজানন্দ আমার )

এবার ধন্য অবতার ।

আছিলে গোলকধামে,

আসিলে বৃন্দাবনে-

গোলকের মহাপ্রেম

করিলে রাখার সনে,

সে প্রেমের বংশী তানে

মাতালে জগৎ জনে,

মরি কি লীলা চমৎকার

প্রেমেতে রইলে খণী,

সে ঋণ শুধবে বলে

রাধা হ'ল মহাজন,

দাসখৎ লিখে দিলে ।

করিলে অঙ্গীকার, তিনবার ক'রে লীলা,

শুধবে সেই প্রেমের ধার ।

(২)

হেথায় আবার তাই আসিলে

গোলক ছাড়ি,

রাধার প্রেমোদাসী হইলে  
হে গৌর হরি,  
সে নামে পাগল পারা  
হলে যে প্রেম ভিখারী,  
ফিরলে কত দ্বারে দ্বার ।  
যে দিন শেষের দিনে-  
সে লীলা সাজ হয়  
শ্রীক্ষেত্রে সংকীর্ণনে-  
মহাভাবে ভাবময়  
মিশিলে জগন্নাথে  
ভক্তরা পাগল প্রায়  
সবার সে কি হাহাকার ।

(৩)

আবির্ভূত হ'য়ে পুনঃ  
বলিলে ভক্তগণে  
শ্রীধাম শ্রীক্ষেত্র হ'তে  
পুনঃ যে ঈশান কোণে  
করিবে প্রেমের লীলা  
যত সব ভক্তগণে  
সময় যে গো হ'ল তার ।  
তোমার শেষের লীলা  
করিতে তাই এবার  
এসেছে ব্রজের চাঁদ  
ব্রজানন্দ আমার,  
সে চাঁদে জগৎ আলো  
(মনরে) খুলে দে মনের দ্বার  
এবার যাবে অন্ধকার ॥

বুড়াশিবধাম  
রমনা, ঢাকা ।  
২০শে আষাঢ়, ১৩৩৯ বাং

মানুষ হয়ে বসে আছ, জীবে চিনে না  
ধরা দিলে না ধরা দিলে না, জীবে চিনে না ।  
হে ব্রজানন্দ বুড়াশিব, জীবে জানে না ।  
একুল ওকুল দুকুল খেয়ে, জ্ঞানের প্রদীপ জ্বলে নিয়ে  
শিব হয়ে বসে আছ, জীবে চিনে না ।  
ভক্তির ছড়া ছড়িয়ে দিয়ে জীবের মন টেনে নিয়ে

বাঁশী হাতে বসে আছ, জীবে চিনে না ।  
অঘাসুরা, বকাসুরা, কংস আর শিশু ছোড়া  
বীর দর্পে কুরুক্ষেত্রে, অসুর কুল ধ্বংস করে  
গোপীর প্রেমে লাথি খেয়ে রাজা হয়ে বসে আছ  
মনে পড়ে না ।  
জীবের মঙ্গল তরে, অবতীর্ণ শিবধামে,  
ভক্তির বিশ্বাস বিলিয়ে দিচ্ছ জীবে বুঝে না

তুলসী ।

ওঁ শিবায় নমঃ

সাঁজাবো তরে সাঁজাবো তরে  
অতি যতন করে  
মোহনবাঁশী মোহনচূড়া ব্রজানন্দ হরে ॥  
তুলসীর হার দিব তোর গলে  
চন্দন চরচিত দিব্য ভালে,  
রত্নে বিভূষিত কুণ্ডল করণে  
শিরে জটাজুট ব্রজানন্দ হরে ॥  
চরণে দিব তোর রাঙ্গা ফুল ঢেলে  
শংখ-চক্র-গদাপদ্ম দিব তোর করে  
নূপুর বাধিয়া দিব প্রেমেরি ডোরে  
রুঁনু বুঁনু রুঁনু বুঁনু নাচাবো তরে  
নাচাবো তরে নাচাবো তরে কাল রাখাল বেশে  
মোহনবাঁশী মোহনচূড়া ব্রজানন্দ হরে ॥  
তুলসী আর গঙ্গা জলে পুষ্প আর বিল্বদলে  
পূজিলে কি তোমায় মিলে অশ্রুজলে  
না ভিজালে চরণ তোমার ।  
রাঙ্গা চরণে আত্মবলি দিয়ে  
রেণু হয়ে থাকিব চরণ পরে,  
সাঁজাবো তোরে মনের মতন করে  
মোহনবাঁশী মোহনচূড়া ব্রজানন্দ হরে ॥

সেবকানুসেবক-তুলসী ।

যোগ বলে বলীয়ান ব্রহ্মানন্দময়  
তপঃ আয়ত্ত যাঁর সাধন চতুষ্টয় ।  
দ্বন্দ্বের অতীত যিনি স্থাগুর সমান,  
রোধিয়া ইন্দ্রিয়দ্বার করেন ধেয়ান ।  
পুণ্যধাম মুখরিত শিবোহম্ রবে

শান্তিধারা বিতরিয়া নরনারী সবে ।  
যত্র জীব তত্র শিব ভেদ নাহি জ্ঞান,  
আপনি আচরি ধর্ম অপরে শিখান ॥  
বিষয়ে নির্লিপ্ত তবু রত পরহিতে  
সংসারে ত্রিতাপ দক্ষ জীবে শান্তি দিতে ।  
ধর্ম সংস্থাপন অর্থে এই পুণ্য ভূমে  
অবতীর্ণ হয়েছেন যেন ধরাধামে ॥  
অশিব করিয়া নাশ শিবের সমান  
সতত করেন রক্ষা এই শিব-স্থান ॥

তোমারই  
চির আদরের  
'সুখেন্দু'

#### সমর্পণ

এবার ১৩৩৭ সনে ১লা বৈশাখ বলে ।  
হেমন্তকে সঁপে দিলাম তোমার চরণ তলে ॥  
ব্রজানন্দ নামটি হলো  
অকারণে লাগলো ভালো  
লাগলো ভালো,  
পথিক আমায় পথ ভুলালো  
সেই নয়নের জলে ।  
আজকে ঘরের পথ হারালেম তোমার পথের ছলে ।  
তুমি শুধু মুখ তুলে চাও বলুক যে যা বলে ॥

বিনীত-  
গোবিন্দানন্দ  
বুড়াশিব-রমনা, ঢাকা ।

৭বুড়াশিব মঠাধীশ শ্রীশ্রী স্বামীজীর তত্ত্বমসির উপদেশটি সংসার দুঃখ নিবারণের একমাত্র উপায়স্বরূপ বিবেচনা করিয়া লোক হিতায় প্রকাশ  
করিলাম ।

#### ভৈরবী-একতালা

বল সবে মিলি      প্রেমানন্দে মাতি  
“তত্ত্বমসি” এই মহাবাক্য ।  
সংসারের দুঃখ      নাশিবে যদ্যপি  
কর তবে ঐ পদে লক্ষ্য ।  
ভজ ব্রজানন্দং      ভজ ব্রজানন্দং

ভজ ব্রজানন্দং মূঢ়মতে ।  
শুন মন দিয়া আমারি বচন  
ত্বং পদ কাকে বলে ;  
নও জড় দেহ ত্বং অথবা তুমি  
বলি এই জনস্থলে  
ভজ ব্রজানন্দং ভজ ব্রজানন্দং  
ভজ ব্রজানন্দং মূঢ়মতে ॥  
দেহ তব স্থূল কৃশ, হ্রস্ব, দীর্ঘ  
তুমি নও কভু তাই ;  
দেহের ব্রাহ্মণ শূদ্র আদি জাতি  
আত্মার ত জাতি নাই  
ভজ ব্রজানন্দং ভজ ব্রজানন্দং  
ভজ ব্রজানন্দং মূঢ়মতে ॥  
ঘটাদির ন্যায় দেহ তব গ্রাহ্য  
সদা অচেতন রয় ;  
আত্মা যে গ্রাহক চৈতন্যময় শুধু  
এইত অনুভূত হয় ।  
ভজ ব্রজানন্দং ভজ ব্রজানন্দং  
ভজ ব্রজানন্দং মূঢ়মতে ॥  
আমারই দেহ বলে সবে মিলি  
আমিহিত দেহ বলে না ;  
পৃথক গ্রাহ্য দেহ গ্রাহক আত্মাতে  
কভু জড় দেহ তুমি না ।  
ভজ ব্রজানন্দং ভজ ব্রজানন্দং  
ভজ ব্রজানন্দং মূঢ়মতে ॥  
আত্মা কভু নয় ইন্দ্রিয় সকল  
কার্য সাধনে যন্ত্রমাত্র;  
কেমনে গণিবে এই তব আত্মা  
খোঁজে এরা আপন স্বার্থ ।  
ভজ ব্রজানন্দং ভজ ব্রজানন্দং  
ভজ ব্রজানন্দং মূঢ়মতে ॥  
সবে বলে শুনি চক্ষুরাদি মন  
চক্ষুরাদি নই আমি ;  
তাই গ্রাহ্য দেহ গ্রাহক আত্মাতে  
ভিন্ন সদা মনে গণি ।  
ভজ ব্রজানন্দং ভজ ব্রজানন্দং  
ভজ ব্রজানন্দং মূঢ়মতে ॥  
স্বপনে মোদের থাকে অস্তিজ্ঞান  
থাকে না জ্ঞান ইন্দ্রিয়ের ;  
ইন্দ্রিয়াদি তাই ঘটাদিরই তুল্য



আত্মত্ব নাই ইহাদের ।  
ভজ ব্রজানন্দং      ভজ ব্রজানন্দং  
ভজ ব্রজানন্দং মূঢ়মতে ॥  
অস্তঃকরণ বৃত্তি      মন তেমনই  
কভু আত্মা বা তুমি না ;  
ইন্দ্রিয়াদির ন্যায়      মনটীও তাই  
সাধন যন্ত্র বই কিছু না ।  
ভজ ব্রজানন্দং      ভজ ব্রজানন্দং  
ভজ ব্রজানন্দং মূঢ়মতে ॥  
কখনও মোরা      বলি এই কথা  
ছিল ডুবি মন বিষয়ে ;  
দেখিয়াও আমি      দেখি নাই তাহা  
কে রাখিল মোরে ভুলায়ে ।  
ভজ ব্রজানন্দং      ভজ ব্রজানন্দং  
ভজ ব্রজানন্দং মূঢ়মতে ॥  
তাইত এখনি      বুঝিতে হইবে  
পৃথক আত্মা মনেতে ;  
সুষুপ্তির কালে      আত্মা পড়ি থাকে  
মন থাকে না দেহেতে ।  
ভজ ব্রজানন্দং      ভজ ব্রজানন্দং  
ভজ ব্রজানন্দং মূঢ়মতে ॥  
তাই বলি আমি      দেখহে বিচারি  
নয়ত এক আত্মা মন;  
জ্ঞানী যে জন      ভ্রমেও কখন  
ভুলে না কভু এ বচন ।  
ভজ ব্রজানন্দং      ভজ ব্রজানন্দং  
ভজ ব্রজানন্দং মূঢ়মতে ॥  
হায় স্থিরীকৃত      বুদ্ধির আত্মত্ব  
নিশ্চয়াত্মিকা বুদ্ধি এই ;  
মনেরি মত      সবে বলি মোরা  
ছিল ডুবি বুদ্ধি বিষয়ে ঐ ।  
ভজ ব্রজানন্দং      ভজ ব্রজানন্দং  
ভজ ব্রজানন্দং মূঢ়মতে ॥  
সুষুপ্তির কালে      আত্মা থাকে দেহে  
বুদ্ধি কভুত থাকে না ;  
বুদ্ধিও তাই      ইন্দ্রিয়াদির ন্যায়  
যন্ত্র বই আর কিছু না  
ভজ ব্রজানন্দং      ভজ ব্রজানন্দং  
ভজ ব্রজানন্দং মূঢ়মতে ॥  
তাজ অহংজ্ঞান      বুদ্ধিতেও তুমি

পাছে যা থাকিবে শেষ ;  
সেই হও তুমি নির্বন্ধ নিঃস্বুক্ত ;  
মনোবাক্যের অগোচর ।  
ভজ ব্রজানন্দং ভজ ব্রজানন্দং  
ভজ ব্রজানন্দং মূঢ়মতে ॥  
কদাপি না হয় তব এই আত্মা  
অহংকারের সমকক্ষ ;  
করিলে প্রয়োগ “কৃ” ধাতুর ক্রিয়া  
ঘুচি যাবে তব ঐ লক্ষ্য ।  
ভজ ব্রজানন্দং ভজ ব্রজানন্দং  
ভজ ব্রজানন্দং মূঢ়মতে ॥  
প্রাণ নয় কভু আত্মা এই ভবে  
মম প্রাণ সবায় বলে ;  
কদাপি না কহে প্রাণ হই আমি  
প্রমাণে তাহাই ফলে  
ভজ ব্রজানন্দং ভজ ব্রজানন্দং  
ভজ ব্রজানন্দং মূঢ়মতে ॥  
তাই দেহ মন ইন্দ্রিয়াদি যত  
আত্মারই ব্যাপার মাত্র ;  
নাই স্বতন্ত্রতা সত্ত্বায় তাদের  
নাইত কভু ভিন্ন গোত্র ।  
ভজ ব্রজানন্দং ভজ ব্রজানন্দং  
ভজ ব্রজানন্দং মূঢ়মতে ॥  
“তত্ত্বমসি” বাক্যে ত্বং পদ হ’তে  
লক্ষিছে এই জীব আত্মা ;  
দেহ মন প্রাণ বুদ্ধি অহংকার  
এদেরই অতীত তাহা ।  
ভজ ব্রজানন্দং ভজ ব্রজানন্দং  
ভজ ব্রজানন্দং মূঢ়মতে ॥  
এই মহাবাক্যে তৎপদ দ্বারা  
বুঝিবে সেই পরম আত্মা;  
এইরূপ “তত্ত্বমে” জীবে পরমে  
সূচিত হয় একাত্মতা ।  
ভজ ব্রজানন্দং ভজ ব্রজানন্দং  
ভজ ব্রজানন্দং মূঢ়মতে ॥  
সেই তুমি হও জানিয়া নিশ্চয়  
উল্লঙ্ঘ্য সংসার দুঃখ ।  
আমি মারিলাম বা মারিল আমায়  
কেন কর বৃথা শোক ।  
ভজ ব্রজানন্দং ভজ ব্রজানন্দং

ভজ ব্রজানন্দং মূঢ়মতে ॥

বিনীত-শ্রীকৃষ্ণধন দাস  
(পঞ্চমীঘাট)

(কালেংরা মিশ্র একতালা)

সচ্চিদানন্দ স্বরূপ পর ব্রহ্ম যাহা ।  
শুন শুন ওহে জীব তোমরাই তাহা ॥  
অজ্ঞান আবরণে শুধু প্রচ্ছন্ন হইয়া ।  
জীবরূপে রহিয়াছে প্রকাশ হইয়া ॥  
শুক্তি যথা ভ্রমে প্রকাশ রজত রূপে ।  
তোমরাও তেমনি প্রকাশ জীব রূপে ॥  
ভ্রমবশে জীবরূপে নিজকে জানিয়া ।  
রহিয়াছ জন্ম মৃত্যুর অধীন হইয়া ॥  
পুনঃ পুনঃ আসা যাওয়া করিয়াছ সার ।  
ভ্রমিতেছ নানা যোনি সবে বার বার ॥  
চাহ যদি ফাঁকি দিতে যমেরে এবার ।  
ভক্তি যুক্ত হয়ে শুন বচন আমার ॥  
আমার আদর্শ এই “শিবোহম” নাম ।  
নিরন্তর জপি সবে যাও মোক্ষধাম ॥  
অবিদ্যাকে কর সবে এইরূপে নাশ ।  
জীবে শিবে ঐক্য হবে স্বরূপ প্রকাশ ॥  
লভিবে নির্ঝাণ পদ নাহিক সংশয় ।  
ভাবেতে ভাবনা সিদ্ধি জানিবে নিশ্চয় ॥  
জীব ভাবে থেকে থেকে পেলো জীব ভাব ।  
শিব শিব বলে পুনঃ কর মুক্তি লাভ ॥  
রাম রাম কৃষ্ণ কৃষ্ণ বল মন দিয়া ।  
তোমরাও রাম কৃষ্ণ যাইবে হইয়া ॥  
ইহাই যে সাধনার মূল তত্ত্ব হয় ॥  
স্বাভাবিক প্রবৃত্তির বিষয় হইতে ।  
মনটিকে নিয়ে হয় বিমুখী করিতে ॥  
বিষয়াভিমুখী বৃত্তি করি ব্রহ্ম মুখী ।  
সদানন্দ লভি জীব হয়ে যায় সুখী ॥  
যমুনা বহিল যেমন উজান সতত ।  
গোপিদের ভজনাও ছিল সেই মত ॥  
রাম কৃষ্ণ দেবও যে গেছেন বলিয়া ।  
বৃত্তিগুলোর মোড় শুধু দেও ঘুরাইয়া ॥

এই সাধনার হলে আত্ম দর্শন ।  
পরমাত্মার সঙ্গে হয় একাত্ম মিলন ॥  
আত্ম সাক্ষাৎকারকেই বলে জীবন মুক্তি ।  
আর এক নাম তার ব্রজানন্দ প্রাপ্তি ॥

রেবতী-আমিরাবাদ ।

-----

পিলু-একতালা

চরণে নূপুর-বাজিছে মধুর,  
ঠমকে ঠমকে নাচে ।  
ব্রজানন্দ হরি সে ব্রজ বিহারি,  
হৃদয় পটে রাজে ।  
রূপ মনোহর মূর্তি সুন্দর,  
শিবোহম ধ্বনি করে ।  
পতিতে তারিতে ঢাকা নগরীতে,  
সন্ন্যাসীর বেশ ধরে ।  
প্রেমে ঢল ঢল আঁখি ছিল ছিল,  
ব্রজানন্দ বলে নাচে ।  
ভক্তগণ সঙ্গে নাচে নানা রঙ্গে,  
প্রেম আকুল হয়ে যাচে ।  
(কিবা) শান্ত সুশীল মুরতী সুন্দর,  
সদাই ভাবেতে ভোলা ।  
ভূভার হরিতে এলে অবনীতে,  
লইয়ে পারের ভেলা ।  
( কিবা ) বিভূতি ভূষিত ললাটে শোভিত,  
গৈরিক বাস অঙ্গে শোভে ।  
দেখিতে সুন্দর অতি মনোহর,  
ভক্ত জন মন লোভে ।  
পূর্ণ ব্রহ্ম তুমি, ব্রজানন্দ হরি,  
পাবে তব নামে মুক্তি ।  
দিয়ে দরশন চুরি করি মন,  
শিখায়ে দেও প্রেম ভক্তি ।  
( আজি ) পূর্ণিমার রাতে ভক্তগণ সাথে,  
লীলা করিবেন ভগবান ।  
ঝুলন দোলায় দুলাব তোমায়,  
সঁপে দিয়ে মন প্রাণ ।

বুড়াশিব ধামে ব্রজানন্দ নামে,  
বিরাজিত ভগবান ।  
ডোর কৌপিন ধারী, ব্রজানন্দ হরি  
করিছ আপন মহিমা গান ।  
তুমি নারায়ণ-দেব নিরঞ্জন  
আগম নিগম সার ।  
তুমি চরাচর সাগর ভূধর  
তুমি সর্ব মূলাধার ।  
কমলুধারী ব্রজানন্দ হরি;  
শুভ্র বিমল কান্তি ।  
ত্রিতাপ নাশিছ ফুঁকারে কহিছ  
শান্তি ! শান্তি ! শান্তি !!!

নিশিকান্ত, বরিশাল

---

বাউলের সুর-একতারা

ভগবানটা চোখের সামনে তাঁরে চিন্তে পারলাম না ।  
তাঁরে চিন্তে পারলাম না,  
তাঁরে জানতে পারলাম না,  
তাঁরে বুঝতে পারলাম না,  
তাঁরে ধরতে পারলাম না ॥  
না চিনালে চিনব কিসে, না জানালে জানব কিসে,  
ইচ্ছাময়ের ইচ্ছা বিনে কিছুই হবার না ।  
প্রাণে যদি চাইত চিন্তে, চিনা দিত সে আমাকে,  
চায় না প্রাণে তাঁরে চিন্তে কেমনে দিবে চিনা;  
ঠিক ঠিক ভাবে চাইলে পরে চিনা দিত সে আমারে,  
চাওয়ার মতন চাওয়া আমার কিছুই যে হচ্ছে না ।  
তাঁরে বলে আছি বা কৈ, কর্তা বাবু সেজে রই,  
তাই যে আমার কোন কাজ ছুঁইরে তিনি দেখেন না ।  
মূলে কিন্তু সেও বরে, বুঝি না তা মায়ার ফেরে,  
এই লক্ষ্যটা হয়ে গেলেই কিছুতে আর পায় না ।  
ব্যাকুলতা নাইক মোটে, জাগবে কিসে হৃদয়-পটে,  
মুখের কথায় মিল ত যদি কেউত বাকি রইত না ।  
ব্যাকুলতা প্রাণে যার জেগে ওঠে অনিবার,  
সে বিনে যে কেউ আর তাঁর দেখা পায় না ।  
ওটি হলেই সব হয়, কৃপা ভিন্ন হবার নয়,  
কৃপার ভিখারী হয়ে কররে মন প্রার্থনা ।  
দেখা দেও দেখা দেও, ধরা দেও ধরা দেও,  
ঘুরাঘুরি করে আমায় যাতনা আর দিও না ।

বল ব্রজানন্দ নাম পূর্ণ হবে মনস্কাম,  
নাম বিনে যে কেহ কভু তাহাঁর দেখা পায় না ।

ব্রতী-আমিরাবাদ

-০-

শ্রীমৎ স্বামী ব্রজানন্দ সরস্বতী গুরুদেব চরণে

প্রার্থনা

নবীন বরষে মনের হরষে  
পরমেশ তব চরণে,  
আশা চিরকাল কাটে যেন কাল  
(ঐ) রাতুল চরণ শরণে ।  
এ নব বরবে পিতা পরমেশে  
নব ভাবে সাজে সাজিয়ে,  
মানস কুসুম ঢালি অনুপম  
যাচি পদে আজি মজিয়ে ।  
(যেন) কৰ্ম্মময় ভবে নর-নারী সবে  
অবসর সদা লভিয়ে,  
(করি) তব নাম গান জুড়ায় পরাগ  
হরষিত মনে বসিয়ে ।  
(মম) আর কিছু নাই এই ভিক্ষা চাই

শক্তি নাহি স্তুতি করিতে,  
(আমি) যে দিকে যখন ফিরাই নয়ন  
তব রূপ পাই হেরিতে  
যত মহাজন (তব) করুণা ভাজন  
(আমি) অভাজন আছি পড়িয়ে,  
করি কৃপা দান হের ভগবান  
পাপ তাপ নাশ করিয়ে ।  
(তব) অপরূপ ওহে বিশ্বভূপ  
বিরূপ হ'য়ো না অধমে,  
পদে এ মিনতি মোর বিশ্বপতি  
(বড়) যাতনা পেতেছি মরমে ।  
পূর্ণ ব্রহ্ম তুমি ব্রজানন্দ স্বামী  
কৃপা কর নিজ গুণে,  
যেন তব নাম স্মরি মুক্ত হ'তে পারি  
এই ভিক্ষা তব চরণে ।

১লা বৈশাখ, ১৩৩৩ সন ।

সুবর্ণপ্রভা

-০-

বসন্ত বাহার-একতালা

আওত মুরারী ব্রজানন্দ হরি,  
শিবোহম্ ধ্বনি করিবে ।

হৃদয়-দোলে ব্রজানন্দ দোলে  
সন্ন্যাসীর বেশ ধরেবে ।  
চরণে-নৃপুর বাজিছে মধুর,  
ঠমকে-ঠমকে নাচেরে ।  
নবজলধর শ্যাম নটবর,  
জ্ঞানময় ওহে আনন্দ সাগর ।  
মন্দ মন্দ চলিছে মধুর,  
জ্ঞান বৈরাগ্য বিতরিয়ে ।  
মস্তক মুণ্ডিত গৈরিক বসন,  
কিবা সুন্দর অতি মনোহর ।  
ডোর কোঁপিন কটিতে শোভে,  
গলে বনমালা শোভে ।  
এস প্রাণ সখা হৃদয়-মন্দিরে,  
নটবর বেশে সাজাব তোমারে ।  
ভক্তি চন্দন করিয়ে লেপন,  
মনফুলে আজি পূজিব হে ।

রসিক নাগর রসের সাগর,  
শ্যামকান্তি দীপ্ত কলেবর ।  
তুমি অনন্ত নব বসন্ত,  
বুড়াশিব ধামে আজিরে ।  
নিয়ে সব ভক্ত নর নারী,  
খেলনে আয়ে ব্রজানন্দ হরি ।  
লাগায়ে হোলী ভক্ত অঙ্গে,  
নাচত রস রঞ্গেরে ।  
গাওত মিলি ব্রজ আনন্দে,  
সঙ্গে নিয়ে সব ভক্ত বৃন্দে ।  
লপট ঝপট খেলতে হোলী,  
ত্রিভঙ্গিমা ঠামে চলেরে ।

পিলু মিশ্র একতালা

বাহিরে তোমারে খুঁজিয়া খুঁজিয়া,  
ক্লান্ত চরণে আজ ।  
ফিরিয়া দেখিনু হৃদয় আসনে,  
আমারি হৃদয় রাজ ।  
কত যুগ হ'তে আমার লাগিয়া,  
চাহিয়া পথের পানে ।  
ওপথে যেও না ফিরে এসো বলে,  
ডেকেছে ব্যাকুল প্রাণে ।  
কত ভালবাস এতো কাছে আছ,  
তুমি যে আমার আমি ।  
মোহ-মদিরার বিভোরতা মোরে,  
বুঝিতে দেয়নি স্বামী  
অসীম অনন্ত হে শিব সুন্দর,  
আনন্দ সুধার খনি ।  
ব্রজানন্দ-হৃদয় বিহারী,  
আমার পরশ মণি ।  
ভ্রান্তি কালিমা হইল বিলয়,  
বিমল চরণ পরশে ।  
আমার মাঝারে পাইয়া তোমারে,  
পূর্ণ মিলন হরষে ।

শিব-প্রিয়া –কাশী ।

-০-

খাম্বাজ-একতালা

হে রস স্বরূপে তুমি মধুর,  
মধুর হতে ও মধুময় ।  
তোমারি স্বরূপ কে বলিয়া দিত,  
যদি না লইতে দেহাশ্রয় ।  
হাড় মাংস মোরা দেখিতে আসি নাই,  
তোমারি এ দেহ দেবালয় ।  
এ মন্দিরে সদা জাগ্রত দেবতা,  
আপন স্বরূপ করিয়া লয় ।  
জিঞ্জাসু আমরা তাই ছুটে আসি,  
তোমারি মন্দির দুয়ারে ।  
এ মন্দিরে মোদের আছে প্রয়োজন,  
ব্রজানন্দ পাই মন্দিরে ।



পূরবী-একতালা

পূজার সামগ্রী মোর,  
প্রণাম নয়ন জল  
তাই আনিয়াছে দেব  
ধোয়াতে চরণতল ।  
তোমাকে দিবার মত,  
আমার কিছুই নাই ।  
কায় মন প্রাণে শুধু  
তোমারি হইতে চাই ।  
সর্ববক্ষণ পাইতেছি,  
ব্রজানন্দ-আশীর্ব্বাদ ।  
সর্ব্বাঙ্গ লুটায়ৈ করি,  
চরণেতে প্রণিপাত ।

শিব-প্রিয়া-কাশী

-০-

মিশ্র-পূরবী-তাল আড়ঠেকা

পূর্ণ করিয়াছ দিয়ে,  
অসীম কৃপা করুণা ।  
কত না ভাবে পাইয়া তোমারে,  
হারায়ৈ ফেলোছি আপনা ।  
কখন বা দেখি বিশ্ব ব্যাপিয়া,  
শ্রীগুরু-ব্রজানন্দ-ভাসে ।  
তাহারি অঙ্গুলী চালনে বিশ্ব,  
ছন্দে ছন্দে নাচে ।  
কখন বা দেখি আচার্য্য শঙ্কর,  
জ্ঞান গরিমা মণ্ডিত ।  
কখন বা দেখি স্নেহময় পিতা,  
সন্তান-কল্যাণে রত ।  
কখন বা দেখি শিশুর মত,  
সুবিমল-হাসি বদনে ।  
কখন বা দেখি আমাদের সখা,  
প্রীতির উৎস নয়নে ।  
কখন বা দেখি আমাতেই তুমি,  
অভেদ আনন্দে ডুবিয়া যাই ।

কি দিয়ে পূজিব, কি বলে ডাকিব,  
আমার বলিতে কিছুই নাই ।

শিব-প্রিয়া-কাশী

-০-

মিশ্র-খাম্বাজ-তাল-যৎ

তোমারই চরণ রেণু,  
তোমারই আছি আমি ।  
মাঝে দেহ আবরণ,  
কেন ফেলিয়াছ স্বামী ।  
মোহ-মলিনতা ঘোরে,  
তুমি আছ ভুলে যাই ।  
তোমারে ভুলিয়ে গিয়ে,  
ক্ষণিকের হ'তে চাই ।  
তাহাতেই এই যাতনা,  
এই দুঃখ হাহাকার ।  
কবে গো লভিব তব,  
ব্রজানন্দ-রস স্বাদ ।  
কত ভুল করিয়াছ,  
অভিমানী ঘটাকাশে ।  
ভুল ভেঙ্গে কবে দেব ?  
মিশিবে সে মহাকাশে ।

শিব-প্রিয়া-কাশী

-০-

মিশ্র-ভৈরবী-তাল আদ্রা

শাস্ত্রে ও পুরাণে চিরদিন প্রভু  
শুনেছি তোমার মহিমা  
ভক্তাধীন তুমি ব্রজানন্দ স্বামী  
ভক্তই তোমার গরিমা ।  
প্রাণে প্রাণে তাহা অনুভব করি-  
আনন্দে হয়েছি মগনা  
হৃদয়ের তারে তোমারে বলিয়া,  
বাজিছে রাগিণী ঝঙ্কারে ।  
দুই ভাব সদা ভুল হয়ে যায়-  
চলিতে পারি না বিচারে  
ভাবগ্রাহি তুমি হৃদয়ের ভাব

সতত আমার বুঝিয়া,  
সকল সংশয় করিয়া ছিন্ন  
চরণে রাখিও টানিয়া ।

শিব-প্রিয়া-কাশী ।

-০-

বাউলের সুর-তাল-যৎ

তুমি যে রাজার রাজা,  
তুমি হে বিশ্বের বিভু ।  
কোন উপচার দিয়ে,  
তোমারে পূজিব প্রভু ।  
হৃদয় কুটীরে মোর,  
জালি অনুরাগ বাতি ।  
নীরবে চাহিয়া রব,  
জাগিয়া সারা রাতি । (প্রভু)  
তোমার পবিত্র নাম,  
হৃদয় বীণার তার ।  
ঝঙ্কারে গাইবে শুধু  
ব্রজানন্দ-রসসার । (প্রভু)  
করণ রাগিণী মোর,  
শ্রবণে পশিলে হরি ।  
তখন পারের ঘাটে,  
লইয়া আসিবে তরি । (প্রভু)

শিব-প্রিয়া-কাশী

-০-

ভৈরবী-একতালা

জাগরে জাগরে জাগরে মন ব্রজানন্দ হরে হরে ।  
বল ব্রজানন্দ নাম, বলরে অবিরাম কলুষ যাইবে দূরে ।  
ব্রজানন্দ হরি, ভবের কাণ্ডারি পতিতে পার করেন কৃপা করে ।  
সময় থাকিতে চল ভব পারে বল ব্রজানন্দ হরে হরে ।  
বল ব্রজানন্দ নাম, চল ব্রজানন্দ ধাম সংসার বাসনা ছেড়ে ।  
জয় জয় ব্রজানন্দ চিন্ময় পরমানন্দ চৈতন্য চিদানন্দ পর ব্রহ্ম হরে ।  
শ্রীগুরু ব্রজানন্দ,নমো নারায়ন,সন্ন্যাসী জগৎ গুরু,গাও সমস্তরে ।

শচীন-জরিয়া টুলী, ঢাকা ।

শ্রীশ্রীমৎ ব্রজানন্দ স্বামীর

ভোগ আরতি ভজন

(১)

(ভজ) ব্রজানন্দ ব্রজানন্দ ব্রজানন্দ হরি,  
রাধাকৃষ্ণ একাধারে হের নয়ন ভরি ।  
ভজরে ভজরে মন ভজ ব্রজানন্দ,  
জয় শঙ্খ, জয় শঙ্খ বল শ্রীরাধাগোবিন্দ ।  
বৈঠল বৈঠল ঠাকুর বৈঠল ভোজনে  
মাইরা আনে নানা দ্রব্য হরষিত মনে ।  
বেত অগ্র, ভাজা বড়া, বেগুন কালিয়া,  
ছিম পাতরী, ডাল রসা, শুকুত রাঁধিয়া;  
দধি দুগ্ধ ছানাবড়া খাইতে খাইতে-  
মিষ্টানের বাটা (প্রভু) নিল নিজ হাতে ।  
খাস্তা লুচি খাজা গজা রুটি আর পরটা  
রসগোল্লা রসকদম্ব সন্দেশ ও মণ্ডা ।  
সেবা অস্তে ব্রজানন্দ আচমন করিল,  
চারু মাই চারু মাই বলে ফুকরি উঠিল ।  
হুড়াহুড়ি করে সবে মাইরা আসিল ।  
নগ্ন শিশু পিছে পড়ে কাঁদিতে লাগিল ।  
একে একে ব্রজানন্দ প্রসাদ বিতরিল,  
প্রসাদ নিয়ে ভক্তেরা সব দণ্ডবৎ করিল ।  
ভজরে ভজরে মন ভজ ব্রজানন্দ  
কাস্মাল বেশে অবতীর্ণ শ্রীরাধাগোবিন্দ ।

(২)

হে ব্রজানন্দ পরমানন্দ  
এস হে মম ধ্যানে,  
এস হে মর্মে সকল কর্মে সকল চিন্তা-জ্ঞানে  
এস হে সুখে এস হে দুঃখে  
এস প্রিয়তম আমার বুকে ।  
জীবন-স্বামী এস হে তুমি আমার ভজন গানে  
ভকতিহীন শকতিহীন সুকৃতিহীন আমি  
কেমনে পূজিব রাতুল চরণ  
বল না জগত স্বামী ।  
এস হে দয়াল দীনবন্ধু বরষি প্রাণে প্রেমবিন্দু  
এস আমার পাগল করা

এস হে মরুভূ প্রাণে ॥

(৩)

ছন্দে ছন্দে প্রেমানন্দে  
গাওরে ব্রজানন্দ নাম ।  
নিত্য শুদ্ধ স্নিগ্ধ দীপ্ত  
লওরে ঐ নাম অবিরাম ।  
চন্দ্র সূর্য্য গ্রহ তারা  
ঐ নামেতে আপনহারা,  
বনের পাখী সুধায় ডাকি  
কোথায় গিরিধারী শ্যাম ।  
দূর হউক মোহ সংশয় আজ  
জাগিয়া উঠুক হৃদয়ের মাঝ  
গোলকবিহারী ব্রজানন্দ হরি  
ভুবন ভুলান ঠাম ।

(৪)

গোলক হ'তে ব্রজানন্দ উদয় বুড়াশিবধামে  
জ্ঞান-ভক্তি কর্মযোগে শিখাইতে ভক্তগণে ।  
জ্ঞানাজ্ঞান শলাকয়া কুটস্থভেদে জাগায় প্রাণে  
চিন্ময়রূপ দেখায় ভক্তে জ্ঞানচক্ষু উন্মিলনে ।  
নিয়তং কুরু কর্মানি শিক্ষা দিতে জীবগণে  
সদায় শিব শিব বলে ভক্তি-বিহুল নিজ নামে  
জ্ঞান কর্ম ভক্তি সুধায় প্রসাদ মেখে মনে প্রাণে  
জীব তরাইতে দয়াল ঠাকুর দেন সব ভক্ত জনে ।

(৫)

কে বলে নাম ব্রজানন্দ ভিন্ন তারকব্রহ্ম হ'তে  
জ্ঞানচক্রে দেখেছি আমি অভেদ আত্মা উভয়েতে  
ব্রজানন্দ হেরলে শ্রীগোবিন্দ মনে পড়ে  
হিংসার আধার যাহারা হৃদয় সে সেইরূপ দেখতে নারে  
অনুমনে শ্রীগোবিন্দ বর্তমানে ব্রজানন্দ-  
দ্বিজ বরদা তাই ব্রজানন্দের চরণযুগল ধরে মাখে ।

(৬)

এস জগজ্জন কলিযুগে কর সবে সহজ সাধন  
এবার এসেছে ব্রজের হরি প্রাণ ভরে কর সবে দর্শন  
পূজা-আর্চা ধ্যান-ধারণা যাগ-যজ্ঞ উপাসনা-

সকলি মায়ার ছলনা কোন কিছুই নাহি প্রয়োজন ।  
নব যুগের নব অবতার কলির জীব করিতে উদ্ধার-  
তাই কাঙ্গাল বেশে অবতীর্ণ শ্রীক্ষেত্রের ঈশান কোণ ।  
ঢাকা বুড়াশিব ধাম চিরপরিচিত পবিত্র নাম-  
এবার পূর্ণভাবে হয়ে উদয় করে শিবোহম্ নাম উচ্চারণ  
যাঁরে বল শ্রীগোবিন্দ সেই প্রভুই এবার অবতীর্ণ  
নাম ধরেছেন ব্রজানন্দ আনন্দে কর পূজা ।  
জগজ্জীব পাপে মগ্ন হেরে দয়াল ব্রজানন্দ-  
করিবে সব জীব চৈতন্য নব গায়ত্রী করে প্রদান ।  
পঞ্চভাবে রসিক যারা পঞ্চ ভাবেই ভাবে তারা-  
প্রভু বর্তমানে দিবে ধরা, কর মধুর রসের আশ্বাধন ।  
অনুমান সব ছেড়ে দিয়ে বর্তমানে দেখ চেয়ে,  
এবার ভাব তাঁরে সখ্যভাবে কর প্রেমানন্দে আলিঙ্গন ।  
যার যেভাবে আছে চিতে ভাব তাঁরে মনে প্রাণে,  
হ'লে ভাবেতে ভাবনা সিদ্ধি হবে না আর ভেদজ্ঞান ।  
প্রভুর সেবা পূজা দর্শন, কর প্রসাদ গ্রহণ  
ঘুচে যাবে ভব বন্ধন, অচিরে পাবে নির্বাণ ।  
সন্ধ্যা পূজা যতই কর, যতই মালা জপ কর,  
মিলবে না নির্বাণ পদ, সবই হবে অকারণ ।  
এবার বিশ্বাস ভক্তি দূঢ় কর সেই ব্রজের হরির জ্ঞান,  
নেত্রে হের, মনপ্রাণ ঐক্য কর একনিষ্ঠাতে হবে মিলন ।  
তরবি যদি ভব সাগর, ছাড় তবে অসার সংসার  
এবার শরণ লও ব্রজানন্দের চরণ, কেবল মুক্তিক্ষেত্র  
ঐ রাঙ্গা চরণ ।

ওঁ শান্তিঃ শান্তিঃ শান্তিঃ